

## הפטרת ערב ראש חודש

הרב ד"ר אהרן אדלר

### שמואל א פרק ב

(יח) ויאמר לו יהונתן מחר חודש ונפקדת כי יפקד מושבך: (יט) ושלשת תרד מאד ובאת אל המקום אשר נסתרתי שם ביום המעשה וישבת אצל האבן האזל: (כ) ואני שלשת החצים צדה אורה לשלח לי למטרה: (כא) והנה אשלח את הנער לך מצא את החצים אם אמר לנער הנה החצים ממך והנה קחנו ובאה כי שלום לך ואין דבר חי ה': (כב) ואם כה אמר לעלם הנה החצים ממך והלאה לך כי שלחך ה': (כג) והדבר אשר דברנו אני ואתה הנה ה' ביני ובינך עד עולם: ס

(כד) ויסתר דוד בשדה ויהי החדש וישב המלך על אל הלחם לאכול: (כה) וישב המלך על מושבו כפעם בפעם אל מושב הקיר ויקם יהונתן וישב אבגר מצד שאול ויפקד מקום דוד: (כו) ולא דבר שאול ומאומה ביום ההוא כי אמר מקרה הוא בלתי טהור הוא כי לא טהור: ס

(כז) ויהי ממחרת החדש השני ויפקד מקום דוד ויאמר שאול אל יהונתן בנו מדוע לא בא בן ישי גם תמול גם היום אל הלחם: (כח) ויען יהונתן את שאול נשאל דוד מעמדי עד בית לחם: (כט) ויאמר שלחני נא כי זבח משפחה לנו בעיר והוא צוה לי אחי ועתה אם מצאתי חן בעיניך אמלטה נא ואראה את אחי על פן לא בא אל שלחן המלך: ס

(ל) ויחר אף שאול ביהונתן ויאמר לו בן נעות המרדות הלוא ידעתי כי בחר אתה לבן ישי לבשתך ולבשת ערות אמה: (לא) כי כל הימים אשר בן ישי חי על האדמה לא תפון אתה ומלכותך ועתה שלח וקח אתו אלי כי בן מות הוא: ס

(לב) ויען יהונתן את שאול אביו ויאמר אליו למה יומת מה עשה: (לג) ויטל שאול את החנית עליו להפתו וידע יהונתן כי כלה היא מעם אביו להמית את דוד: ס

(לד) ויקם יהונתן מעם השלחן בחרו אף ולא אכל ביום החדש השני לחם כי נעצב אל דוד כי הכלמו אביו: ס

(לה) ויהי בבקר ויצא יהונתן השדה למועד דוד ונער קטן עמו: (לו) ויאמר לנערו רץ מצא נא את החצים אשר אנכי מורה הנער רץ והוא ירה החצי להעברו: (לז) ויבא הנער עד מקום החצי אשר ירה יהונתן ויקרא יהונתן אחרי הנער ויאמר הלוא החצי ממך והלאה: (לח) ויקרא יהונתן אחרי הנער מהרה חושה אל תעמד וילקט נער יהונתן את החצים ויבא אל אדניו: (לט) והנער לא ידע מאומה אף יהונתן ודוד ידעו את הדבר: (מ) ויתן יהונתן את כליו אל הנער אשר לו ויאמר לו לך הביא העיר: (מא) הנער בא ודוד קם מאצל הנגב ויפל לאפיו ארצה וישתחו שלש פעמים וישקו איש את רעהו ויבכו איש את רעהו עד דוד הגדיל: (מב) ויאמר יהונתן לדוד לך לשלום אשר נשבענו שנינו אנחנו בשם ה' לאמר ה' יהיה ביני ובינך וביני וזרעי וביני וזרעך עד עולם: פ

### במדבר פרק י

(י) וביום שמחתכם ובמועדיכם ובראשי חודשיכם ותקעתם בחצצרת על עלתיכם ועל זבחי שלמיכם והיו לכם לזכרון לפני אלהיכם אני ה' אלהיכם: פ

### משנה מסכת אבות פרק ה, משנה טז

כל אהבה שהיא תלויה בדבר בטל דבר אהבה ושאינה תלויה בדבר אינה בטלה לעולם איזו היא אהבה התלויה בדבר זו אהבת אמנון ותמר ושאינה תלויה בדבר זו אהבת דוד ויהונתן:

### שמות פרק יג

(יד) והיה כי ישאלך בןך מחר לאמר מה זאת ואמרת אליו בחזק יד הוציאנו ה' ממצרים מבית עבדים:

### דברים פרק ו

(כ) כי ישאלך בןך מחר לאמר מה העדת והחקים והמשפטים אשר צוה ה' אלהינו אתכם:

### שמות פרק יח

(יג) ויהי ממחרת וישב משה לשפט את העם ויעמד העם על משה מן הבקר עד הערב:

### ויקרא פרק כג

(טו) וספרתם לכם ממחרת השבת מיום הביאכם את עמר התנופה שבע שבתות תמימת תהינה:

### יהושע פרק ה

(י) ויחנו בני ישראל בגלגל ויעשו את הפסח בארבעה עשר יום לחדש בערב בערבות יריחו: (יא) ויאכלו מעבור הארץ ממחרת הפסח מצות וקלוי בעצם היום הזה: (יב) וישבת המן ממחרת באכלם מעבור הארץ ולא היה עוד לבני ישראל מן ויאכלו מתבואת ארץ כנען בשנה ההיא: ס